

Fundargerð 832. fundar

stjórnar Sambands íslenskra sveitarfélaga

Árið 2015, föstudaginn 20. nóvember kl. 12:00 kom stjórn Sambands íslenskra sveitarfélaga saman til fundar í Allsherjarbúð, Borgartúni 30 í Reykjavík.

Fundinn sátu: Halldór Halldórsson, Eiríkur Björn Björgvinsson, Skúli Helgason, Gunnar Axel Axelsson, Ólafur Guðmundur Adolfsson í forföllum Jónínu Ernu Arnardóttur, Halla Sigríður Steinólfsdóttir, Gunnar Einarsson, Sigurður Björn Blöndal, Aldís Hafsteinsdóttir, Gunnhildur Ingvarsdóttir og Ísólfur Gylfi Pálmason.

Að auki sátu fundinn Karl Björnsson framkvæmdastjóri og sviðsstjórnarnir Guðjón Bragason, Gunnlaugur A. Júlíusson, Inga Rún Ólafsdóttir að hluta og Magnús Karel Hannesson sviðsstjóri, sem ritaði fundargerð.

Fundargerðin var færð í tölvu.

Þetta var tekið fyrir:

1. Fundargerð 831. fundar - 1412022SA

Lögð fram til staðfestingar fundargerð 831. fundar frá 30. október 2015.

Fundargerðin staðfest og undirrituð.

2. Verkefnisstjórn fyrir hagsmunagæslu í úrgangsmálum - 0801025SA

Lögð fram fundargerð 36. fundar verkefnisstjórnar um aukna hagsmunagæslu íslenskra sveitarfélaga á sviði úrgangsmála frá 13. nóvember 2015, ásamt tillögu verkefnisstjóra úrgangsmála að skipan fimm nýrra varamanna verkefnisstjórnar, þar sem áður skipaðir varamenn eru ekki lengur tiltækir.

Samþykkt var að skipa Guðmund Tryggva Ólafsson, rekstrarstjóra endurvinnslustöðva SORPU, Ágúst Þór Bragason, umsjónarmann Tæknideildar Blönduóssbæjar, Bryndísi Bjarnarson, umhverfisfulltrúa Sveitarfélagsins Hornafjarðar, Theódóru Matthíasdóttur, umhverfisfulltrúa Snæfellsbæjar, og Ólöfu Vilbergsdóttur, umhverfisfulltrúa Fjarðabyggðar, sem varamenn í verkefnisstjórn um aukna hagsmunagæslu í úrgangsmálum.

3. Tekjustofnar sveitarfélaga 2015 - 1509041SA

Lagt fram bréf sambandsins til fjármála- og efnahagsráðherra, dags. 5. nóvember 2015, þar sem óskað er eftir viðræðum um tekjustofna sveitarfélaga, sbr. 3. tölulið fundargerðar 831. fundar stjórnar 30. október 2015.

Formaður og framkvæmdastjóri skýrðu frá fundi með fjármála- og efnahagsráðherra, sem haldinn var 19. nóvember 2015, þar sem farið var yfir efni bréfsins. Ákveðið var á fundinum að vísa efnispáttum bréfsins til umfjöllunar og úrvinnslu hjá starfsmönnum sambandsins og ráðuneytisins.

4. Verkefnisstjórn um endurmat - yfirfærsla þjónustu við fatlað fólk - 1309005SA

Formaður og framkvæmdastjóri gerðu grein fyrir fundi með fjármála- og

efnahagsráðherra, sem fram fór 19. nóvember 2015, þar sem rætt var um endurmat á yfirfærslu þjónustu við fatlað fólk og viðraðar hugmyndir um samkomulag um framtíðarfjármögnun málaflokksins. Eftir mjög ítarlegar umræður var eftirfarandi samþykkt samhljóða

Formanni og framkvæmdastjóra falið að vinna áfram að lausn málsins á grundvelli þeirrar umræðu sem fram fór á fundinum og samþykkt að stefna að sérstökum fundi stjórnarinnar á næstunni til þess að fjalla um málið.

Gunnar Einarsson vék af fundi kl. 14:15.

5. Áskorun landshlutasamtaka sveitarfélaga til ráðherra og alþingismanna - 1503056SA

Lögð fram áskorun frá landshlutasamtökum sveitarfélaga til ráðherra og alþingismanna, dags. 9. nóvember 2015.

6. Kjarasamningur við Skólastjórafélag Íslands - 1409043SA

Lagt fram minnisblað sviðsstjóra kjarasviðs sambandsins, dags. 17. nóvember 2015, um nýjan kjarasamning við Skólastjórafélag Íslands sem undirritaður var 4. nóvember 2015. Sviðsstjóri kjarasviðs sambandsins gerði nánari grein fyrir samningnum og einnig stöðunni í öðrum kjaraviðræðum sem nú standa yfir.

7. Flutningur opinberra starfa - 1502049SA

Tekin upp að nýju umræða um flutning opinberra starfa milli sveitarfélaga, sem áður var á dagskrá stjórnar sambandsins 11. september 2015, en þá var umfjöllun um málið frestað til næsta stjórnarfundar.

Framkvæmdastjóra falið að taka saman minnisblað um stefnu sambandsins um flutning opinberra starfa og byggðastefnu sambandsins og leggja fram á stjórnarfundum við fyrsta tækifæri.

8. Móttaka flóttamanna - 1509005SA

Eiríkur Björn Björgvinsson greindi frá stöðu viðræðna við velferðarráðuneytið um móttöku flóttamanna og sagði frá samkomulagsdrögum milli velferðarráðuneytisins og sveitarfélaga um móttöku flóttamanna.

9. Starfshópur til að endurskoða fyrirkomulag tónlistarnáms á framhaldsskólastigi - 1506224SA

Lagt fram til kynningar minnisblað sviðsstjóra lögfræði- og velferðarsviðs sambandsins, dags. 17. nóvember 2015, um tillögur mennta- og menningarmálaráðuneytisins um fjármögnun tónlistarfræðslu.

Frekari umræðu frestað til næsta fundar.

10. Almannaþing sveitarfélaga - gerð leiðbeininga um störf almannaþingarnefnda - 1503023SA

Lagt fram minnisblað framkvæmdastjóra og sviðsstjóra lögfræði- og velferðarsviðs sambandsins, dags. 20. október 2015, um leiðbeiningar um störf almannaþingarnefnda.

Samþykkt að kynna leiðbeiningarnar fyrir sveitarfélögum.

Sigurður Björn Blöndal og Skúli Þór Helgason viku af fundi kl. 15:00.

11. Sameiginlegur fundur Samorku, sambandsins og Samtaka orkusveitarfélaga - 1511175SA

Lagðir fram minnispunktar frá fundi Sambands íslenskra sveitarfélaga, Samtaka orkusveitarfélaga og Samorku, sem haldinn var 4. nóvember sl., ásamt drögum að verkefnislýsingu fyrir starfshóp sem óskað verður eftir að innanríkisráðherra skipi. Einnig lagt fram bréf sambandsins til umhverfis- og auðlindaráðherra, dags. 17. nóvember 2015, um ósk um skipun starfshóps um lagaumhverfi vindorkuvera.

Stjórnin samþykkti að erindi verði sent til innanríkisráðherra, ásamt verkefnislýsingu. Framkvæmdastjóra falið að ganga frá endanlegri verkefnislýsingu, í samstarfi við Samorku og Samtök orkusveitarfélaga.

12. Ferðaþjónusta - stefnumörkun sambandsins - 1511072SA

Lagt fram minnisblað sviðsstjóra lögfræði- og velferðarsviðs sambandsins, dags. 15. nóvember 2015, um drög að áherslum sambandsins í málefnum ferðaþjónustu.

13. Fjárhagsáætlun sveitarfélaga og útkomuspá - 0901037SA

Lagt fram minnisblað sviðsstjóra hag- og upplýsingasviðs sambandsins, dags. 17. nóvember 2015, um bráðabirgðaniðurstöður úr fjárhagsáætlunum sveitarfélaga fyrir árið 2016 og útkomuspá ársins 2015. Sviðsstjóri hag- og upplýsingasviðs gerði nánari grein fyrir minnisblaðinu.

14. Viðbrögð við ábendingum í umsögn um VSK af almenningsamgöngum - 1509017SA

Lagt fram minnisblað sviðsstjóra lögfræði- og velferðarsviðs sambandsins, dags. 17. nóvember 2015, um viðbrögð við ábendingum í umsögn sambandsins um VSK af almenningsamgöngum.

Formaður og framkvæmdastjóri hafa rætt málið við fjármála- og efnahagsráðherra og fulltrúar sambandsins hafa einnig mætt á fund efnahags- og viðskiptanefndar til að gera grein fyrir þeirri kröfu sveitarfélaga að þau verði ekki fyrir auknum útgjöldum vegna breytinga á lögum um virðisaukaskatt sem samþykktar voru árið 2014. Miklir hagsmunir eru í húfi, þar sem aðkeypt akstursþjónusta sveitarfélaga nemur um 5 milljörðum króna á ári. Þær tillögur sem ráðuneytið hefur lagt fram í minnisblaði til efnahags- og viðskiptanefndar nægja ekki til að tryggja hagsmuni sveitarfélaga. Stjórnin leggur áherslu á að farsæl niðurstaða fái í málið, í góðu samstarfi við ráðuneytið og Alþingi.

15. Loftlagsganga í Reykjavík - 1511142SA

Lagt fram til kynningar bréf Náttúruverndarsamtaka Íslands, dags. 10. nóvember 2015, þar sem Sambandi íslenskra sveitarfélaga er boðið að styðja og taka þátt í aðgerðum samtakanna með því að taka undir þær kröfur sem fram koma í bréfinu, vera aðili að loftslagsgöngunni 2015 og hvetja félagsmenn sína til að ganga með loftslaginu þann 29. nóvember nk.

16. Tilnefning í samstarfshóp sem vinnur með kosningateymi ráðuneytisins - 1510186SA

Lagt fram til kynningar bréf sambandsins til innanríkisráðuneytisins, dags. 28.

október 2015, þar sem Magnús Karel Hannesson, sviðsstjóri rekstrar- og útgáfusviðs sambandsins, er tilnefndur í samráðshóp sem vinnur með kosningateymi ráðuneytisins.

17. Tilnefning í stýrihóp um framkvæmd á stefnumótun Æskulýðsráðs - 1511041SA

Lagt fram til kynningar bréf sambandsins til mennta- og menningarmálaráðuneytisins, dags. 5. nóvember 2015, þar sem Valur Rafn Halldórsson, sérfræðingur á hag- og upplýsingasviði sambandsins, er tilnefndur í stýrihóp um framkvæmd á stefnumótun Æskulýðsráðs.

18. Tilnefning í nefnd um ritun hvítbókar í samgöngumálum - 1510163SA

Lagt fram til kynningar bréf sambandsins til innanríkisráðuneytisins, dags. 5. nóvember 2015, þar sem Aðalsteinn Óskarsson, framkvæmdastjóri Fjórðungssambands Vestfirðinga, er tilnefndur í nefnd um ritun hvítbókar í samgöngumálum.

19. Tilnefning í starfshóp um ábyrgð lífeyrisskuldbindinga ríkis og sveitarfélaga vegna samrekstrar o.fl. - 1510177SA

Lagt fram til kynningar bréf sambandsins til fjármála- og efnahagsráðuneytisins, dags. 5. nóvember 2015, þar sem Regína Ásvaldsdóttir, bæjarstjóri á Akranesi, Dan Jens Brynjarsson, fjármálastjóri Akureyrarbæjar, og Birgir Björn Sigurjónsson, fjármálastjóri Reykjavíkurborgar, eru tilnefnd í starfshóp um ábyrgð lífeyrisskuldbindinga ríkis og sveitarfélaga vegna samrekstrar o.fl.

20. Tilnefning í samráðshóp vegna verkefnisins Ráðgjöf og leiðsögn við fullorðna - 1511057SA

Lagt fram til kynningar bréf sambandsins til Fræðslumiðstöðvar atvinnulífsins ehf., dags. 9. nóvember 2015, þar sem Svandís Ingimundardóttir, skólamálafulltrúi á lögfræði- og velferðarsviði sambandsins, er tilnefnd í samráðshóp vegna verkefnisins Ráðgjöf og leiðsögn við fullorðna (Guidance and Orientation for Adult learners - GOAL).

21. Tilnefning í ráðgjafanefnd sem verður forstjóra til ráðgjafar um langtímastefnumótun um starfsemi Menntamálastofnunar - 1511140SA

Lagt fram til kynningar bréf sambandsins til mennta- og menningarmálaráðuneytisins, dags. 13. nóvember 2015, þar sem Svandís Ingimundardóttir, skólamálafulltrúi á lögfræði- og velferðarsviði sambandsins, er tilnefnd í ráðgjafanefnd sem verður forstjóra til ráðgjafar um langtímastefnumótun um starfsemi stofnunarinnar.

22. Umsögn um drög að frumvarpi um breytingu á lögum nr. 93/1995, 96/1997 og 22/1994 - 1510160SA

Lögð fram til kynningar umsögn sambandsins til atvinnuvega- og nýsköpunarráðuneytisins, dags. 26. október 2015, um drög að frumvarpi um breytingu á lögum nr. 93/1995 um matvæli, lögum nr. 96/1997 um slátrun og sláturafurðir og lögum nr. 22/1994 um eftirlit með fóðri, áburði og sáðvöru.

23. Umsögn um umhverfismat fyrir samgönguáætlun 2015-2026 - 1509094SA

Lögð fram til kynningar umsögn sambandsins til innanríkisráðuneytisins,

dags. 13. nóvember 2015, um umhverfismat fyrir samgönguáætlun 2015-2026.

24. Endurskoðun laga um félagsþjónustu sveitarfélaga og málefni fatlaðs fólks - 1310028SA

Lagt fram til kynningar bréf sambandsins til velferðarráðuneytisins, dags. 2. nóvember 2015, um endurskoðun laga um félagsþjónustu sveitarfélaga og málefni fatlaðs fólks.

25. Viljayfirlýsing um samstarf vegna úttektar á framkvæmd stefnu um menntun án aðgreiningar á leik-, grunn- og framhaldsskólastigi - 1511117SA

Lögð fram til kynningar viljayfirlýsing mennta- og menningarmálaráðuneytisins, velferðarráðuneytisins, Sambands íslenskra sveitarfélaga, Kennarasambands Íslands, Skólameistarafélags Íslands og Heimilis og skóla, dags. 3. nóvember 2015, um samstarf vegna úttektar á framkvæmd stefnu um menntun án aðgreiningar á leik-, grunn- og framhaldsskólastigi.

26. Ályktanir um dekkjakurl á gervigrasvöllum - 1509085SA

Lögð fram ályktun frá aðalfundi Læknafélags Íslands 2015, dags. 26. október 2015, um dekkjakurl. Einnig lögð fram ályktun stjórnar Heimilis og skóla dags. 25. september 2015, um endurnýjun gervigrasvalla vegna eiturefna í dekkjakurli.

Fundi var slitið kl. 15:05.

Halldór Halldórsson

Eiríkur Björn Björgvinsson

Skúli Helgason

Gunnar Axel Axelsson

Ólafur G. Adolfsson

Halla Sigríður Steinólfsdóttir

Gunnar Einarsson

Sigurður Björn Blöndal

Aldís Hafsteinsdóttir

Gunnhildur Ingvarsdóttir

Ísólfur Gylfi Pálmason

framkvæmdastjóri

ritari